

էին ընդ Լատինաց յեօթնեկի միանգամ փոխադարձ լուսանալ . եւ ետ դնել անդ ղերկուս աշտանակս Հայոց , զոր բարձեալ էին Յոյնք . երարձ զլուսարարն կամ զպահապանն Յունաց 'ի Գերեղմանէն Քրիստոսի , և եդ անդ զոմն 'ի Լատինաց : Գարձայց անգրէն առ Լատինս զստորին կողմն եօթն կամարաց Ս . Կուսին . և զկարասին զոր եդեալ էին անդ Յոյնք՝ ետ արկանել առ ընթեր որմոյ եկեղեցւոյ նոցին : Եւ հրաման ետ Լատինաց սալել զտանիս տաճարին Ս . Յարութեան մինչ 'ի դմբեթն եկեղեցւոյն Յունաց : Կախել զկանթեղս 'ի գերեղմանի Ս . Աստուածածնի եւ պատարադել անդ : Եւ ետ դատարկել յԱյրէն Յնդեան Քրիստոսի զկանթեղս , զպատկերս և զայլ սպասս Յունաց՝ և արգել զնոսս 'ի պատարադելոյ անդ . էստ և զբանալի մեծի եկեղեցւոյն եւ ետ ցլատինս : Եւ 'ի վերջոյ կալաւ զփոխանորդն և զթարգմանն և զոմանս 'ի միաբանաց և 'ի ժողովրդոցն Յունաց՝ մատնեաց 'ի տուգանս և 'ի բանաստակայն ժողովրդականք յանձն առեալ զկրօնս Լատինաց՝ ղերծան 'ի բանտէ : Ընդ այս անակնկալ գործ կուսակալին տաղճապեցան Յոյնք՝ և դիմեցին առ դատաւորն , և հագլու սերմն գողացան զմիտս նորա և բազում աղաչանօք ետուն դրել 'ի Դուռն դաւն և ցաւաղին դանկատանս ըզկուսակալէն , հակառակութեամբ և թշնամութեամբ մեծ անիրաւութիւնս և զրկանս արար հպատակաց Արքային , և 'ի հրապարակի ձաղանօք խայտառակեաց զմիաբանս և զազգն Յունաց , և եղև առիթ մեծամեծ վնասուց և նըւաղելոյ ուխտաւորաց . սպա աղերս արկեալ խնդրեն յԱրքայէ , ըստ մտաց Կայսերական հրովարտակին՝ դարձուցանել վերստին առ Յոյնս զայն ամենայն տեղիս՝ զորս յափշտակեցին Լատինք , \ \ \ \ (1739) :

Իսկ Օսմանեան Դուռն կամելով բառնալ զխուովութիւնս ազգաց՝ որ յաճախեալ էր յայնժամ , առաքեաց նոր հրովարտակաւ յերուսաղէմ զոստիկանն Միւնիս Մուստաֆա էֆէնտի՝ որ էր այր բարեբարոյ , կարգաւորել զգործս Յունաց ըստ հրամանի Արքային : Եւ 'ի ժամանակ նորա անդ՝ ոչ միայն յարգեաց զառաջին կարգադրութիւնս խնդրոցն Հայոց , այլ ուշադրութեամբ և հարց և քննութիւն արար . զի եթէ հակառակ կամ ընդդիմութիւն ինչ պատահեալ